



Broj: T18 0 KT 0017972 24
Brčko, 13.05.2025. godine

Optužnica potvrđena: 20.05.2025.godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

M. Ž., rođen ...1987. godine u Brčkom,

Što je:

Dana 30.08.2024. godine, oko 22.20 časova, na Bulevaru mira, Brčko distrikt BiH, nakon što je policijski službenik A.B., prilikom obavljanja redovne kontrole saobraćaja nad putničkim motornim vozilom marke Audi, sive boje, registarskih oznaka, u kojem se u tom trenutku na mjestu vozača nalazio D.K., kojem je rečeno da će nad istim biti izvršeno alkotestiranje, izašao sa mjesta suvozača i pružio svoj telefon policijskom službeniku A.B., obrativši mu se riječima „Evo ti pričaj na telefon, treba te S.“, pa kada je policijski službenik odbio da navedeno učini, rekavši mu da obavlja službenu radnju, tada je, svjestan da se radi o službenom licu koje obavlja poslove javne bezbjednosti, u namjeri da ga napadne, što je i htio, policijskom službeniku A.B. počeo najprije da se unosi u facu i da ga vrijeđa riječima „Slušaj me šta ti kažem majmune jedan i uzmi telefon“, u kom se trenutku ovom policijskom službeniku pridružio i policijski službenik P.B., da bi mu potom policijski službenik A.B. izdao glasno i jasno naređenje da prestane sa narušavanjem javnog reda i mira, na šta se on ogлуšio i istom nastavio upućivati psovke „Jebat ću ti majku u pičku“, „Jebem li ti djecu“, te svjestan da udarcem u glavu policijskom službeniku A.B. može nanijeti tjelesne povrede, što je i htio, svojom glavom udario istog u predjelu lica i nosa, uslijed čega je A.B. zadobio laku tjelesnu povredu u vidu nagnječenja tkiva i masnice desne strane nosa i regije ispod desnog oka, nakon čega su ga policijski službenici A.B. i P.B., zbog narušavanja javnog reda i mira, zajednički pokušali staviti pod kontrolu, u čemu nisu uspjeli, jer je i dalje pružao aktivan otpor, kojom prilikom je policijskog službenika A.B. u par navrata pokušao i ugristi za nos i lice, da bi navedenim policijskim službenicima prišao i pripadnik Jedinice specijalne policije A.A., koji nije bio radno angažovan, i koji je pomogao policijskim službenicima da ga savladaju i stave pod kontrolu, nakon čega su mu stavljena sredstva za vezivanje, kojom prilikom je uslijed međusobnog naguravanja A.B. zadobio i laku tjelesnu povredu u vidu udarca u desnu stranu, što je imalo za posljedicu crvenilo desne nadlaktice,

dakle, napao službeno lice u obavljanju poslova javne bezbjednosti, nanijevši mu lake tjelesne povrede,

čime je učinio krivično djelo Napad na službeno lice u obavljanju poslova bezbjednosti iz člana 353 stav (2) u vezi sa stavom (1) Krivičnog zakona Brčko distrikta BiH,

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
